

四庫全書

經部

欽定四庫全書

經部

詩集傳名物鈔卷八

詳校官監察御史_臣孫家賢

通政使司副使_臣莫瞻菴覆勘

總校官進士_臣繆珙

校對官編修_臣汪鏞

謄錄監生_臣馮曰琮

欽定四庫全書

詩集傳名物鈔卷八

元 許謙 撰

頌四

清廟

頌祀文王

經○駮音峻○語錄問或疑清廟祀文王之樂歌然

初不顯頌文王之德者何也某應之曰文王之德
不可名言凡一時在位之人所以能敬且和與執
行文王之德者即文王盛德之所在也必於其不

可容言之中而見其不可掩之實則詩人之意得矣讀此詩者想當時文聞其歌者真若洋洋乎如在其上如在其左右又何待多著言語委曲形容而後足哉妄意如此答曰此說是○又曰對越在天便是顯處駿奔走在廟便是承處○毛氏顯於天矣見承於人矣不見厭於人矣

秉文之德總承上二句其助祭能敬和明顯之諸侯及濟濟之多士皆執行文王之德也對越

在天內敬也駿奔走在廟外恭也其心足以對
在天之神明方可以盡駿奔走之職其助祭之
臣且如是則主祭之君可知文王之德化於後
世如此則無射於人可知矣

傳○與音預朝音潮○題下駢息營反愾七小反復
扶又反䟽山於反乾音干豆上之上時掌反筦管

同

維天之命

頌

祭文王

異

經○釋文假音假溢音逸毛氏假嘉溢慎也箋溢盈

○也○駿音峻曾音增

傳○簡古覓反

維清

三頌

祭文王

異

經

維清明而緝續其光明者文王之常也旣曰緝
熙又曰文王之典是極贊文王之純德不已爾
所以自文王始嗣位主祭祀以來積而至於今

日乃有成今周之所以致太平者實文王為之

禎祥也

烈文

公頌

獻助祭諸侯 異

經○祉音耻

傳○殖丞職反大音太樂音洛

天作

五頌

祭大王 異

傳○朱子韓文考異咀與阻同則此咀字當從阻音

据據同辟僻同易羊豉反

昊天有成命

頌

祀成王

異

傳○周語晉叔向曰昊天有成命頌之盛德也其詩

曰昊天有成命二后受之成王不敢康夙夜基命
宥密於緝熙亶厥心肆其靖之是道成王之德也成
王能明文昭能定武烈者也夫道成命者而稱昊天
天翼其上也二后受之讓於德也成王不敢康敬
百姓也夙夜恭也基始也命信也宥寬也密寧也
緝明也熙廣也亶厚也肆固也靖肅也其始也翼

上德讓而敬百姓其中也恭儉信寬帥歸於寧其終也廣厚其心以固飭之始於德讓中於信寬終於固飭故曰成向許文反飭和同

我將

頌七

祀文王於明堂配上帝

經○疏禮稱郊用特牲祭法云燔柴於泰壇祭天用騂犢則明堂祭天亦當特牛矣而得有羊者其配之人自當用太牢○詩緝儀式刑猶書云嚴祗敬累言之者謂法之不已也○語錄問右作左右之

右與舊不同曰周禮有享右祭祀之文如詩中此例亦多如旣右烈考亦右文母之類此詩作保佑說更難方說維羊維牛如何便說保佑到伊嘏文王旣右享之也說未得右助

愚案此詩右字無音而釋曰尊也神坐東向在饌之右所以尊之也是則左右之右為上聲字時邁亦釋曰尊而無音亦當作上聲讀維詩旣右烈考亦右文母亦釋曰尊也而音又下引周

禮享右祭祀以證之均訓曰尊而有上聲去聲
之不同語錄却引享右祭祀以證為左右之右
而周禮音義皆作侑三詩音既不同義亦似異
而雖傳及語錄引用周禮亦覺不同未詳如何
傳○題下語錄問傳謂祀明堂周公以義起不知周
公以後將以文王配邪以時王之父配邪曰諸儒
正持此二議至今不決看來只得以文王配且周
公所制之禮不知在武王之時在成王之時若在

成王則文王乃其祖也亦自可見

時邁

八頌

巡守祭告

經

巡守諸國出以時而動以禮昊天其必子愛我
矣天之實右序有周何以見之巡以警諸侯則
諸侯震懼而畢朝巡以祀鬼神而鬼神感格以
致享若是則天實右序之而王信為天下之君
矣又言我周之德昭明燭下無隱慶讓黜陟式

序在位皆得其當故戒征伐而不用敷德教於
中國若是則王信能保守天命而無失矣薄言
震之莫不震疊朝會之事也懷柔百神及河喬
嶽望祭之事也載戢干戈載櫜弓矢偃武也我
求懿德肆于時夏修文也

傳○守式又反朝音潮

執競

九頌

祭武王成王康王 異

思文

十頌

后稷配天

經○吳正傳天之於民育之以全其生教之以全其性而已所以命聖人者以此也聖人所以配天者亦以此也文者總言后稷之德莫匪爾極以全民之生者言也陳常于時夏以全民之性者言也立我者稷也命之者帝也後言陳常者富而教之也傳○遺惟季反

右清廟之什

臣工

頌十
戒農官

經

前四句美之後則戒之也嗟嗟臣工能敬爾在
公之事王已賜爾成法而又來咨度可謂敬其
事也於是重歎以告之曰莫春之時將何所求
乎惟當言如何用力於新畬耳於此時見來牟
之美而歎之知其必有成而將受上帝之明賜
矣以來牟之美則可以卜上帝之必賜以豐年
也蓋歲之豐歉主於秋而麥則以濟一時之食

故以此卜之也今旣得豐年之兆惟宜命農人具農器以盡其力則將忽見收成之不遠矣

傳○重直用反度待洛反女音汝為于偽反○朱子曰鄭氏據月今天子親載耒耜措之于參保介之御間以為車右衣甲持兵故曰保介案呂氏春秋亦有此文高誘注云保介副也鄭氏之說迂晦不若高誘之明白衣去聲○新畬見小雅采芑○鉞七遙反字與鉞同疏古田器韻會江淮謂之畚畚

楚洽反

噫嘻

頌

十

戒農官

異

經○駿音峻○解頤新語周人以諱事神駿發爾私
克昌厥后皆不諱何也蓋周之前無諱至書稱元
孫某則諱之始也然不以其名號之耳不指其人
則亦不諱如穆王名滿後有王孫滿襄王名鄭後
有衛侯鄭匡王名班春秋書曹伯班簡王名夷春
秋書晉夷吾皆周之故實也

傳○奇居宜反○箋據周禮遂人凡治田野夫間有
遂遂上有徑十夫有溝溝上有畛百夫有洫洫上
有涂千夫有澮澮上有道萬夫有川川上有路計
此萬夫之地方三十三里少半里也疏萬夫之地
廣長各三十三里餘百步既三分里之一為少半
里是三十三里又少半里也遂人注十夫二鄰之
田百夫一鄰之田千夫二鄰之田萬夫四縣之田
遂溝洫澮皆所以通水於川遂廣深各二尺溝倍

遂洳倍溝澮廣二尋深二仞徑畛涂道路皆所以
通車徒於國都徑容牛馬畛容大車涂容車一軌
道容二軌路容三軌遂洳從溝澮橫九澮而川周
其外如是者九則為方百里之同畛之忍反洳況
域反涂塗同澮古外反廣去聲鄩祖管反○雨去
聲

振鷺

頌十
三

二王之後來助祭

經○戾至也○數音亦○語錄問振鷺詩非正祭樂

歌乃獻助祭之臣未審如何曰看此文意都無告神之語恐是獻助祭之臣古者祭祀每一受胙主與賓尸皆有獻酬之禮既畢然後亞獻至獻畢復受胙如此禮意甚好有接續意思

傳○鷺見陳宛丘○朱子先儒多謂辟雍在西郊故曰西雝○地理志陳留郡雍丘縣故杞國周武王封禹後東樓公先春秋時徙魯東北○宋見商頌○左氏傳注疏有事祭宗廟也膳祭肉尊之故賜

以祭昨以敵體待之故拜其來弔其餘諸侯則否

豐年

頌十

四 秋冬報賽田事

經○廩說文本作畝穀所報入宗廟粢盛或作廩

傳○黍見王黍離○百攷毛氏曰數萬至萬曰億數

億至億曰秭䟽定本集注云數億至萬曰秭案甄

氏曰黃帝為法數有十等及其用也乃有三馬十

等為億兆京陵秭壤溝澗正載也三等者上中下

也下數十萬曰億十億曰兆十兆曰京中數萬萬

曰億萬萬億曰兆萬萬兆曰京上數萬萬曰億億
億曰兆兆兆曰京毛氏數萬至萬曰億者舉中數
也又云數億至億曰秭則有可疑蓋黃帝數術中
數交之上萬萬京曰陔萬萬陔曰秭此應云數萬
至陔曰秭而言數億至億曰秭者有所未詳今以
甄氏所舉而下數計之十萬曰億十億曰兆十兆
曰京則百億也十京曰陔千億也十陔曰秭萬億
也豈毛下數言之而今本轉寫誤曰數億至億乎

數萬數億之數色主反○方社見小雅甫田

有瞽

五頌十

始作樂而合乎祖

經○釋文應應對之應

傳○周禮瞽矇上瞽四十人中瞽百人下瞽百有六

十人掌播鼗祝敔塤簫管弦歌鼓琴瑟眡瞽三百

人凡樂事相瞽矇音蒙塤音諠眡瞽音視了○箋

合者大合諸樂而奏之䟽合諸樂器於太祖之廟

太祖謂文王也○棘音肩○樂書少昊氏冒革為

鼓夏后氏加四足商楹鼓為一楹而四稜貫鼓於其端猶四植之桓圭也縣鼓周人所造之器始作樂而合乎祖者也禮曰縣鼓在西應鼓在東以應鼓為和終之樂則縣鼓其倡始之鼓歟宮縣設之四隅鞀與鼗同所以兆奏鼓也有雷鼗靈鼗路鼗○桐杜孔反動也令力呈反○敔音同圉鉏音阻鋹音語櫟音歷所櫟之木名曰籟音真○樂書肅編竹而成長則聲濁短則聲清其狀鳳翼其音鳳

聲中呂之氣夏至之音也火生數二成數七而夏至又火用事之時二七十四則蕭之長尺有四寸蓋取諸此爾雅大蕭謂之簞小者謂之筴郭璞謂大者長尺四寸小者尺二寸是也然尺四寸者二十四管無底而善應故謂之簞尺二寸者十二管有底而交鳴故謂之筴蓋應十二律正倍之聲也中音仲簞音言今爾雅本作言筴胡交反○爾雅大管謂之簞注長尺圍寸併漆之有底如簾六孔

周禮小師注如籥而小併兩而吹之樂書籥者以其聲大而高也籥音喬籥與笛同○闕若穴反曲終也

潛

頌十

季冬薦魚季春薦鮓

經○毛氏漆沮岐周二水也詳見大雅緜○鱣鮓見衛碩人鱣鯉見小雅魚麗鯉見陳衡門○解頤新語魚喜潛取者必求之深故曰潛有多魚

傳○摻釋文霜甚䟽廩心廩三反○埤雅鮓形狹而

長若條性浮似鱮而白○箋冬魚之性定春鮪新
來䟽冬月旣寒魚不行孕性定而肥充故薦之河
南鞏縣東北崖上山腹有穴舊說云此穴與江湖
通鮪從此穴而來北入河西上龍門入漆沮

雖頌十武王祭文王 異

傳○周禮大祝注右讀為侑謂祭祀侑勸尸食而拜
大音泰下同○題下及徹帥學士而歌徹樂師文
云大師誤說者則康成也蓋徹祭下詳禮䟽恐當

有器字

載見

八頌

十諸侯助祭武王廟

經○肇革見小雅蓼蕭傳

傳○旂見小雅出車○箋鶴金飾貌○朝音潮

有客

九頌

十微子來見祖廟

經○黃氏周人愛微子也見其所乘之馬亦愛之見其所御之僕亦愛之馬有潔白之色人有姜且之敬旅有敦琢之容則周人之於微子無所不愛也

箋繫絆也

傳○箋選擇卿大夫之賢者與之朝玉言敦琢者以
賢美之故玉言之疏敦雕古今字爾雅玉謂之雕
又曰玉謂之琢是雕琢皆治玉之名○爾雅有容
宿宿再宿也有容信信四宿也○疏古之朝聘留
停日數不可得而詳不知於信信之後幾日乃可
去○從才用反見賢遍反易去聲

武

頌

二

周公為大武之樂

右臣工之什

閔予小子

頌二

成王免喪朝廟

傳○疏烈文箋云新王即政必以朝享之禮祭祖考告嗣位然則除喪朝廟亦用朝享之禮祭於廟○朝音潮○語錄陟降庭止傳注訓庭為直而說之云文王之進退其臣皆由直道諸儒祖之無敢違者而顏監於匡衡傳所引獨釋之曰言若有神明臨其朝廷蓋衡時未行毛說顏監又精史學而不

桔於專經之陋故其言獨能如此無所阿隨而得
經之本指○後漢書李固傳昔堯殂之後舜仰慕
三年坐則見堯於牆食則見堯於羹

訪落

頌十二

成王延訪羣臣

經○上時掌反下遐嫁反○詩記保其身無危亡之
憂明其身無昏塞之患

紹庭上下欲法武王之正朝廷也陟降厥家欲
法武王之齊其家也保明其身欲賴武王助其

修身也成王之學有本末先後矣

傳○庭燎傳艾盡也則此朕未有艾謂未能盡率昭
考之道也但傳於庭燎則艾音义而此音五蓋反
未詳朝音潮強巨兩反

敬之

頌二
十三

羣臣戒成王王荅之

異

經○監去聲

陟降厥士天無事而不在也日監在兹天無時
而不在也君子所以無不敬也

傳○荷合可何佐二反

小毖

頌二
十四

亦延問之辭

經○毖音秘○詩緝人近蜂則被其螫信小人則受其惑蜂不可使前日之事無人使蜂螫我乃我自取其辛螫也我今始信桃蟲之微能翻飛為鳥言小物之能成大不敢不毖也○又曰莫予弇蜂猶云莫予毒也已古文莫予莫我之類皆倒提予我以便文耳莫我肯德言無肯德於我莫予弇蜂言

無莽蜂於我他如莫我知莫予云觀之類皆倒辭也

莫予莽蜂自求辛螫在我有問物得以乘之肇允彼桃蟲拚飛維鳥事機不謹變必至於大

傳○疏爾雅桃蟲鷽鷽注鷽鷽桃雀也俗呼為巧婦鷽鷽小鳥而生鷽鷽者也陸璣今鷽鷽也微小於黃雀其雛化而為鷽故俗語云鷽鷽生鷽埤雅說苑云鷽鷽巢於葦若繫之以髮鷽性拙鷽性巧故

鷦俗呼巧婦一名工爵一名女匠其啄尖利如錐
取茅莠為巢巢至精密以麻紮之如刺韞然故一
名韞雀其化輒為鷽鷽鷽音焦苗鷽力么反紮
音秩縫也詩記一說猶言初為鼠後為虎不必謂
桃蟲化為鷽

載芟

頌二
十五

未詳所用疑與豐年同

經○耜見豳七月俶尺叔反○說文飫食之香

䟽椒是木名非香氣但椒木之氣香作者以椒

言香詩緝飮椒皆酒醴芬芳之氣椒之氣烈故
古者謂椒酒取其香且烈也○釋文厭於豔反
且七也反又子餘反

傳○解音蟹去丘呂反長知丈反吐音萌間音閑勞
去聲露積之積如字共音恭養去聲○遂人注疆
予謂民有餘力復予之田若餘夫然○太宰以九
職任萬民九曰閒民無常職轉移執事䟽其人為
性不營已業為閒民而好與人傭賃非止一家轉

移為人執事以此為業○詩緝前曰千耦其耘則
既耕而耘反土之後草木根株有芟柞不盡者則
耘之今曰縣縣其庶則既苗而耘也○李氏胡考
者老人也禮士冠禮祝云永受胡福注云胡遐也

良耜

頌二
十六

同前

經○筐筥見召南采蘋傳○饌與餉同廣韻饋也自
家之野謂之饌○箋豐年雖賤者猶食黍䟽少牢
特牲大夫士之祭食有黍明黍是貴玉藻子卯稷

食為忌日貶是稷為賤食有稷食之食音嗣○積
子賜反○箋掾曲貌

傳○刺七亦反去起呂反棘盧達反○說文櫛梳篦
之總名○詩緝百室在六卿為族而族師掌以歲
時校登其夫家之衆寡在六遂為鄼而鄼長掌趨
其耕耨與其戒令政事莫不同之故使之同時納
穀所以示親睦均有無也趨音促○題下篇章至
息老物見豳風之末

絲衣

頌二十七

祭而飲酒 異

經○鼎音茲○兕觥其觥見小雅桑扈傳胡考見載

芟

傳○䟽爵弁之服玄衣纁裳皆以絲為之故云絲衣也詩緝餘衣皆用布惟冕與爵弁服用絲大夫以上祭服謂之冕士祭服謂之弁其首服弁則其衣服用絲故知絲衣為士助祭之服○詩緝雜記云大夫冕而祭於公士弁而祭於公註云弁爵弁也

爵弁冕之次其色赤而微黑如爵頭然○塾見陳
衡門○爾雅鼎鬯上謂之鬯注斂上而小口者
鬯音圓弁古掩字○特牲饋食禮先夕陳鼎于門
外有鼎牲在其西設壺禁在東序豆籩鉶在東房
主人即位于門外西面入即位于堂下宗人升自
西階視壺濯及豆籩反降東北面告濯具主人出
復外位宗人視牲告克宗人舉鼎鬯告潔詩䟽特
牲雖則士禮而士卑不嫌其禮得同君故準特牲

為說冑與冢同莫狄反劒音刑

酌

頌二
十八

頌武王

傳○題下勺音酌祭統舞莫重於武宿夜黃震東發
日抄武宿夜武曲名即大武之樂武王伐紂至於
商郊停止宿夜士卒皆歡樂歌舞以待旦因名焉

桓

頌二
十九

頌武王

經○釋文間間廁之間

傳○題下類禡見大雅皇矣禡馬嫁反

賚

頌三

封功臣

般

頌三十一
薄寒反

巡守柴望

經○箋敷徧也

傳○守音狩朝音潮

右閔予小子之什

頌譜

時邁

雖

右二詩武王時

清廟

維天之命

維清

烈文

天作

我将

思文

臣工

噫嘻

振鷺

豐年

有瞽

潛

載見

有客

武

閔予小子

訪落

敬之

小毖

載芟

良耜

絲衣

酌

桓

賚

殷

右二十七詩周公所定皆成王時作

昊天有成命

右康王以後詩

執競

右昭王以後詩

魯頌

傳○禹貢海岱及淮惟徐州蒙羽二山名蔡傳地志

蒙山在泰山郡蒙陰縣西南今沂州費縣羽山在東海郡祝其縣南今海州朐山縣費兵媚反朐權俱反○前編武王滅商封周公於魯都曲阜少昊大庭之墟留相周武王崩成王立元年周公攝政命伯禽代就封於魯鄭譜魯者少昊摯之墟國中有大庭氏之庫䟽曲阜在魯城中委曲長七八里○明堂位曰成王以周公有勲勞於天下命魯公世世祀周公以天子之禮樂是以季夏六月以禘

禮祀周公於太廟牲用白牡尊用犧象山疊鬱尊
用黃目灌用玉瓚大圭薦用玉豆雕簋爵用玉琖
仍雕加以璧散璧角俎用梲歲升歌清廟下管象
朱干玉戚冕而舞大武皮弁素積裼而舞大夏犧
素何反瓚才旦反簋素綴反籩屬以竹為之雕刻
飾其直散先旦反梲苦緩反虞俎名歲居衛反夏
俎名梲始有四足歲為之距○孔子曰魯之郊禘
非禮也周公其衰矣○程子曰周公之功固大矣

皆臣子之分所當為魯安得獨用天子禮樂哉成王之賜伯禽之受皆非也○通鑑外記初魯惠公使宰讓請郊廟之禮於天子王使史角往魯公止之陳傅良春秋後傳諸侯之有郊禘東遷之僭禮也史曰秦襄始列於諸侯作西畤祠白帝僭端見矣位在藩臣而臚於郊祀君子懼焉則平王以前未有也魯之郊禘惠公請之也惠公雖請之而魯郊猶未率為常也僖公始作頌以郊為夸焉記禮

者以為魯禮皆成王賜之以康周公案衛祝鮒之言曰周公相王室以尹天下於周為睦分魯公以大路大旂夏后氏之璜封父之繁弱殷民六族以昭周公之德分之土田陪敦祝宗卜史備物典冊官司彛器則成王命魯不過如此隱公考仲子之宮問羽數於衆仲周公閱來聘饗有昌歆白黑形鹽周公閱以為備物辭不敢受衛甯武子來聘宴之賦湛露及彤弓武子不答賦曰諸侯朝正於王

於是乎賦湛露諸侯敵王所愾而獻其功於是乎
賜之彤弓假如記禮之言得用郊禘兼四代服器
官祝鮀不應不及況魯行天子之禮久矣隱公何
以始問羽數閱何以辭備物之享甯武子何以致
譏於湛露彤弓于以見魯僭未久上自天子之宰
至于兄弟之國之卿苟有識者皆疑怪遜謝而魯
人並無一語及成王之賜以自解故郊禘之說當
從劉恕分扶問反父音甫衆音終歎祖感反○疏

伯禽卒次考公苒煬公熙幽公宰魏公潰厲公擢
獻公具真公湣武公敖懿公戲及伯御又孝公稱
惠公弗湮隱公息姑桓公允莊公同閔公開卒而
僖公申立從周公數之故為十九世潰音沸真音
慎湣匹位反○解頤新語魯頌之異於商周者四
商周天下頌之魯國人頌之一也商周以告神明
而魯用以燕樂二也商周子孫頌其先魯臣下頌
其君三也商周多事實魯多禱頌四也

駟魯僖公富盛 異

經○詩緝薄言發語辭薄言聊言之而已疏薄言駟者有何馬也乃有駟皇之類○二章駢息營反駢音期○三章駘維並音洛駢音留

每章之意惟在第七句無疆者廣大也無期者不苟於近利也無斁者持之能久也唯所思者如此故久而有富盛之效正秉心塞淵駘牝三千之意其富盛非特馬也因馬可以見其他爾

然思之無疆無期無數猶未知所思者當邪否
邪至其卒章辭曰思無邪則見其心之正取於
民者有制其富盛皆所當得非培克苛斂以致
之者詩人一字之妙而意有餘此孔子所以取
之以蔽三百篇也但此則人頌其君之辭未必
僖公能然也

傳○一章䟽腹謂馬肚幹謂馬脅○邑外至郊謂之
坰爾雅文注云邑國都也假令百里之國五十里

之界界各十里䟽大判而言則野者郊外通名故
毛氏傳垌遠野也○驪黑色跨髀間所跨據之處
白跨髀間白也騂赤色黃騂謂黃而雜赤者跨苦
化反髀音陞○皇見豳東山○二章駟符悲反伍
符丕反二符字誤釋文駟府悲反伍敷悲反皆類
隔切今並易作攀悲反○䟽駟今之桃華馬騂駟
皆云雜毛是體有二種之色相間雜如黃白曰皇
黃騂曰黃止一毛色之中自有淺深與此二色者

異駢為純赤色言赤黃者謂赤而微黃其色鮮明者也上云黃駢曰黃謂黃而微赤騏謂青而微黑今之駢馬也○三章麟良忍良辰二反駢北角反鬣力輒反馬駿也駿子紅反○卒章駟又見小雅皇皇者華䟽彤赤色駟今赭白馬骭膝下之名脚脰也豪骭豪毛在骭而白長也骭戶晏反

有駢

魯

飲頌禱

異

經○一章詩緝有駢然而肥強者維何乎其駢然肥

強者是彼一乘之黃馬也連言有駟非一馬也

馬雖起興亦以富盛者言之也在公明明者事
上盡職也在公飲酒者撫下以恩也載燕則又
言夙夜無所事惟燕樂耳故上言樂舞容節而
後惟頌禱也

傳○一章治去聲樂音落○三章遺去聲

泮水

魯

飲於泮宮而頌禱

異

經○一章旂見小雅出車○鸞見秦駟賦傳○二章

藻見召南采蘋○三章節音卯○五章陶音遙○
六章箋訕訟也○七章斲音亦○八章箋懷歸也
歸就我以善言喻人感於恩則化○魯齊此頌伯
禽詩平淮夷獻馘泮宮而作

一章言公至泮宮而羣臣從二章言飲羣臣而
恩意洽三章旣飲酒而祝其壽且告以順大道
而行則有服人之效四章以後皆祝頌之辭而
各有所指曰敬明其德是告之以明德工夫也

內則敬以明其德外則敬以慎其威儀則維民之則矣是以見於事業者允文允武有孝而假烈祖求福祐也五章曰克明其德是已能明其德也故有作泮宮以下之效六章言軍師和而軍旅之盛也七章言勝淮夷八章言淮夷服上三章道其所已然後五章祝其所未然也

傳○一章毛氏天子辟廱諸侯泮宮箋辟廱者築土雖水之外使圓如壁四方來觀者均也泮之言半

也半水者蓋東西門以南通水北無也䟽辟廡者
築土為堤以壅水之外使圓如壁壁體圓而內有
孔此水亦圓而內有地是其形如壁也言四方來
觀者均則辟廡之宮內有館舍外無牆院也泮宮
必疑南有水者以行禮當南面而觀者北面故也
雖壅同○芹見小雅采菽○三章䟽茆與苻菜相
似葉大如手赤圓有肥者著手中滑不得停莖大
如匕柄葉可以生食又可齏滑美江南謂之蓴菜

或謂之水葵○五章禮疏在學謀論兵事其謀成
定受之於學征伐還反釋奠於學以可言問之訊
截左耳之馘告先聖先師訊馘又見小雅出車及
大雅皇矣傳○七章疏荀卿論兵云操十二石之
弩負矢五十个是以一弩用五十矢荀則毛氏之
師故從其言以五十矢為束鄭注大司寇一弓百
矢則鄭竟以百矢為束尚書左傳皆云彤弓一彤
矢百故束矢當百个而在軍之禮重弓以備折壞

或亦分百矢以為兩束歟○卒章黜尸荏反誤當作時審反○鴉見陳墓門○遺于醉反○䟽禹貢荆楊貢金三品鄭注銅三色青白赤也王肅以為金銀銅

閔宮

魯

僖公脩廟而祝頌之辭

經○孟子我狄是膺荆舒是懲周公方且膺之子金子曰王文憲嘗言閔宮之詩蓋有錯簡當從孟子為正蓋第一節說姜姬后稷第二節說太王文武

第三節當說周公之功而今詩但說成王封周公之子似逸一節下文公車千乘戎狄是膺荆舒是懲則莫我敢承當是第三節言周公四征弗庭伐淮踐奄之功周無徐州故淮夷為荊州之界而舒在今淮西也第四節始及王曰叔父至乃命魯公第五節方說周公之孫莊公之子方頌僖公第六節說饗祀降福而俾爾之祝以類相從已後皆祝頌之辭如此則孟子之時詩未錯簡而孟子所引

正是周公也○黍稷見王黍離○重穆見豳七月
傳○穀見小雅小明○稻見唐鵠羽傳○秬見大
雅生民○三章龍旂見小雅出車○駢赤也色純
曰犧○四章釋文福音福犧素何反○籩豆見豳
伐柯○五章台背見大雅行葦傳○八章祉音耻
○卒章桷方椽也○舄音昔

傳○一章䟽晉語及書傳說天子廟飾斲其材而斲
之加密石焉諸侯斲而斲之天子加密石也龍虎盧

紅反○䟽重稷種稊生熟早晚之異稱非穀名先種曰植後種曰稊當是先種先熟後種後熟傳略而不言○邵湯來反○二章斷音短○幽岐見大雅緜○與羊恕反

實始翦商謂周之所以滅商者自此基之爾大王非有翦商之謀也蓋古公遷岐人從之如歸市而吳越春秋謂古公居三月成城郭一年成邑二年成都而民五倍其初此彷彿帝舜氣象

則德化及於民其勢固不可遏也但遷岐在殷
王小乙之時後高宗立傳說為相中興在位五
十九年次祖庚立七祀次祖甲二十八祀而文
王生書稱祖甲不義惟王知小人之依能保惠
庶民不敢侮鰥寡肆祖甲享國三十三年自遷
岐至文王之生已九十餘年古公壽百二十歲
後不知的於何年卒計在文王生一二年之後
則古公始終正居商令王有道之世翦商之志

何自而生邪孟子曰由湯至於武丁賢聖之君
六七作天下歸殷久矣久則難變也武丁朝諸
侯有天下猶運之掌也紂之去武丁未久也然
而文王由方百里起是以難也古之君子以事
實論商周者蓋如此求詩之過者多失其實故
傳止曰蓋有翦商之漸謂其國自是而漸大真
得詩人之意矣而論語集注之云則未及改定
也

四章畫胡卦反爛似鹽反湯中淪肉去起呂反大
音泰釧音刑渚音泣和胡卧反盛平聲○爾雅瓦
豆謂之登○跗方于反○䟽周語禘郊之事則有
全烝王公立飫則有房烝親戚宴饗則有散烝如
彼文次全烝謂全載牲體散烝謂體解節折則房
烝是半體可知此云房故知是半體之俎○五章
將子亮反○奇紀宜反英又見鄭清人傳䟽絲纏
而朱染之以為矛之英飾小戎竹閉緄滕傳緄繩

滕約也此滕亦謂約之以繩也（二章矛又見鄭
清人傳○䟽貝者水蟲甲有文章冑謂兕螯貝非
為冑之物故知以貝為飾兕當侯反螯迷浮反○
䟽朱綬赤綫謂以朱綫連綴甲也綫即線字荆舒
見小雅漸漸之石○艾音久○六章䟽泰山在齊
魯之界其陽則魯其陰則齊書蔡傳泰山在今襲
慶府奉符縣西北三十里○郡國志泰山郡博縣
有龜山齊歸龜陰之田杜預曰田在山北即襲慶

府奉符縣也地理志泰山郡蒙陰縣蒙山在西南
書蔡傳在今沂州費縣○七章地理考異鳧山在
兗州鄒縣東南三十八里嶧山一名鄒山在鄒縣
南二十二里其山東西二十里南北十三里高秀
獨出積石相臨殆無土壤○應去聲屬之王反○
八章疏常魯南鄙許為西鄙○朝音潮○卒章地
理考異徂來山亦曰尤來在兗州乾封縣今為奉
符縣水經注山在兗州梁父奉高博城三縣界後

魏魯郡汶陽縣有新甫山汶陽故城在兗州泗水
縣東南○教護屬功課章程䟽教令工匠監護其
事屬付功役課其章程也屬音燭

魯頌譜

閼宮

右一詩僖公

駟

有駟

泮水

右三詩不知何世駟本傳雖以為僖公詩

而總說則以為無所考

商頌

傳○契十四世至湯案史記契一昭明二相土三昌
若四曹圉五冥六振七微八報丁九報乙十報丙
十一主壬十二主癸十三湯十四皆父子相傳契
音泄○自成湯至于紂二十八世其二世太甲受
伊尹之訓反善脩德諸侯咸歸是為太宗其後殷
衰至七世太戊伊陟為相殷復興是為中宗其二

十世武丁舉傳說為相殷道復興是為高宗所謂
三宗也○武王滅紂封其子武庚于殷成王三年
武庚叛周公東征誅武庚而封紂庶兄微子啓於
宋○書蔡傳泗水出魯國卞縣桃墟西北陪尾山
源有泉四四泉俱導因名西南過彭城又東南過
下邳入淮卞縣今襲慶府泗水縣也宋即漢唐睢
陽宋應天府今歸德府其境東接泗濱○書蔡傳
孟豬在梁國睢陽縣東北今應天府虞城縣西北

孟豬澤是也孟與盟同○史記宋世家微子卒弟
衍立是為微仲卒子宋公稽立卒子丁公申立卒
子湣公共立卒弟煬公熙立湣公子鮒祀弑煬公
自立是為厲公卒子釐公舉立卒子惠公覲立卒
子哀公立卒子戴公立自微子至戴公十一君傳
謂七世至戴公者蓋父子相傳為一世微子微仲
兄弟當自宋公稽始煬公亦以弟襲位故自宋公
至哀公為七世而戴公仍在七世之外也鮒符遇

反釐音僖觀古覓反○正考甫宋大夫微子之後
孔子七世祖強其兩反○史記正義括地志宋州
穀熟縣西南三十五里南亳故城即湯都也宋州
北五十里大蒙城為景亳湯所盟地因景山為名
所謂北亳河南偃師為西亳帝嚳及湯所都盤庚亦徙
都之湯即位都南亳後徙西亳

那商一祀成湯之樂

經○靴見周頌有瞽○鼓見周南關雎○衎苦旦反

嘒呼惠反○管見周頌有瞽○萬舞見邶簡兮

傳○衍樂之樂音隆闕苦穴反齊側皆反所樂之樂
五孝反爲子偽反僂音愛愾開代反○朱子曰張
子云玉磬聲之最和平者可以養心其聲一定始
終如一無洛殺也殺色界反○鏞見大雅靈臺傳
○魯語注馬父魯大夫言勉聖人行此恭敬之道
久矣不敢言創之於已乃云受之於先古也父音
甫○題下魯語注名頌頌之美者也輯成也凡作

篇章義既成撮其大要以為亂辭詩者歌也所以
節舞曲終乃更變章亂辭故謂之亂

烈祖商同上

經○祐酤本皆候五反傳於酤有叶字恐誤○眉壽
黃耆見小雅南山有臺傳○溥音普

傳○定丁佞反

玄鳥商祭宗廟

經○釋文負音圓又音云

鄭氏謂此為禘祭之詩宜誠然也蓋詩叙歷世之君之德不可奏于一廟故也天命玄鳥至宅殷土芒芒言契古帝命武湯至奄有九有言湯商之先后至在武丁孫子言羣后武丁孫子至大禧是承言諸侯之從邦畿千里至來假祁祁言善政自內及外而其效如此景負維河以下又總言殷之受祿于天也

傳○鳬鳥拔反燕色黑故謂之玄鳥○毛氏春分玄

鳥降湯之先祖有娥氏女簡狄配高辛氏帝辛率
與之祈于郊禱而生契箋胤遺卵簡狄吞之而生
契史記簡狄為帝嚳次妃三人行浴見玄鳥墮卵
簡狄吞之因孕生契長而佐禹治水有功帝舜乃
命契為司徒封於商賜姓子氏索隱曰契生堯代
舜始舉之必非嚳子以其父微故不著名其母有
娥氏女與宗婦三人浴於川則非帝嚳次妃明矣
老泉蘇氏曰史記載簡狄行浴見燕墮卵取而吞

之因生契為商始祖神竒妖濫不亦甚乎使聖人而有異於衆庶也天地必將儲陰陽之和積元氣之英以生又焉用此微禽之卵哉燕墮卵於前取而吞之簡狄其喪心乎史遷之意必以詩有天命鳥降而生商而言之此遷求詩之過也毛公之傳詩也以鳥降為祀郊禘之候及鄭之箋而後有吞踐之事遷之說出於疑詩而鄭之說又出於從遷矣甚矣遷之以不祥誣聖人也子金子業史記

自謂以頌自次契事然不得頌之意玄鳥之頌曰
天命玄鳥降而生商蓋古人以玄鳥至之日祠于
高禩以祈子也簡狄以是日祈焉而孕故傳述其
感生之祥史以行浴墮卵之事附之幾於罔矣長
發之頌禘祫之詩也推其祖之所自出者不過敘
禹敷土之時有娥外氏之盛而契始受封有國是
開有商一代之基而未見其為嚳子也豈以太史
克有高辛氏才子之言傳者有殷人禘嚳之說遂

繫之譽與然以頌次之則史傳之言為不可信矣
娥風中反襟音梅喪息浪反○竟境同○旂見小
雅出車○語錄景負維河一句不知說甚麼想當
時有此語人都曉得今不可曉○家說毛氏諸詩
注景訓大負訓益釋文河本作何若依此訓此文
則是大益維何問辭下則應辭也○家說那與烈
祖二詩皆五章章四句以韻考之可見獨第五章
各加顧予烝嘗湯孫之將二句以為亂辭据他詩

例當稱五章章四句一章六句何不可者而必欲
準之周頌以為一章則失之牽合矣國語稱邾之
末章為其緝之亂則元非一章明甚又長發殷武
皆名著章數不應一頌自為二體也玄鳥一章亦
當分四章章皆五句獨第三一章七句此詩每章
之首皆承上章末字發辭正與文王下武等詩相
類此皆其分章處也要之商魯二頌自與周頌不
同其詞義深淺較然可見烏得以一律並言之哉

今案商頌皆毛鄭章句而朱子從之今著項氏之說于此以存異義

長發商裕祭之詩

經○三章躋子兮反祇音支

傳○一章知音智見音現竟境同

史記正義有娥當在蒲州今河○二章應去聲三

中府

章同與平聲卒章同○四章屬音燭繆所銜反見
鄘干旄著直略反荷上去二音○五章鄭氏共音

拱下同珙亦同駟音厖○六章地理考異韋顧昆
吾皆祝融後滑州韋成縣古豕韋國顧城在濮州
范陽縣東二十八里夏之顧國濮州濮陽縣即昆
吾之墟亦曰帝丘古昆吾國故城在縣西三十里
昆吾臺在縣西百步○已音紀寰宇記解州安邑
縣桀所都○卒章尚書孔傳阿倚衡平言倚以取
平亦曰保衡○題下與音預

殷武

商祀高宗

經○二章羌去羊反○卒章斲斫也楠見魯閔宮楹柱也

高宗中興之功必以伐荆楚為大故作頌者惟言此以見殷之復治者在是蓋蠻夷猾夏聖人所憂四夷來王盛德所及也一章伐楚而楚人服二章楚既服而可繼成湯三章諸侯皆從四章為治有道而天降之福五章中興之盛卒章廟成而祭也

傳○一章䟽周有天下始封熊繹為楚子於武丁

之世不知楚君何人史記熊繹成王所封○二章
䟽周禮大行人九州之外謂之蕃國世一見其國
父死子繼及嗣王即位乃來朝也見音現朝直遙
反

商頌譜

那

烈祖

右太甲以後作

殷武

右祖庚以後作

玄鳥

長發

右二詩不知何世

詩總圖

周 衛 鄭 齊 唐 秦 陳 曹 魯

文王

周南關雎

葛覃

卷耳

樛木

蝻斯

桃夭

兔置

采芣

漢廣

汝墳

麟之趾

召南鵲巢

采芣

草蟲

采蘋

行露

羔羊

殷其雷

標有梅

小星

江有汜

騶虞

文王

武王

小雅鹿鳴

四牡

皇皇者華

伐木

雝

武王

成王

小雅天保

蓼蕭

湛露

彤弓

楚茨

信南山

甫田

瞻彼洛矣

裳裳者華

桑扈

大田

采薇

出車

杖杜

南陔

白華

華黍

魚麗

由庚

南有嘉魚

崇丘

南山有臺

由儀

菁菁者莪

武王康叔

太公

胡公叔振文公

在位
七年

封

呂尚

嬀滿鐸旦

公時邁

武王元年封

武王元年封

武王元年武王元年武王元年封

駕鵞

頰弁

車牽

魚藻

采菽

成王

叔虞

在位三十七年

成王元年封

豳七月

舊詩周
公陳

其子改
為晉

鷓鴣

東山

破斧

伐柯

九罭

狼跋

小雅常棣

大雅文王

大明

緜

棫樸

旱麓

思齊

皇矣

靈臺

下武

文王有聲

生民

行葦

既醉

鳧鷖

假樂

公劉

舊詩召
公陳

洞酌

卷阿

頌清廟

維天之命

維清

烈文

天作

我將

思文

臣工

振驚

豐年

有瞽

潛

載見

有客

武

閔子小子

訪落

敬之

小毖

載芟

良耜

絲衣

酌

桓

賚

般

康王

在位三
十六年

頌昊天有成命

噫嘻

康王
以後

昭王

在位五
十一年

頌執競

昭王
以後

穆王

在位五
十五年

共王

在位十
二年

懿王

在位二
十五年

孝王

在位十
五年

夷王

在位十
六年

厲王

在位五
十一年

大雅民勞
釐侯

非子

孝王七
年封為

附庸

板

厲王二十五年

蕩

立

桑柔

鄘柏舟

宣王

在位四十六年

小雅六月 武公 桓公

采芑

宣王十六年立

友

車攻

淇奥

宣王二十二年封

吉日

黍苗

大雅雲漢

崧高

烝民

江漢

常武

宣王

幽王

平王

小雅賓之初筵

襄公

幽王

幽王五年立

在位十一年

車鄰

小雅節南山

駟鐵

正月

小戎

十月之交

終南

小弁

無衣

鼓鍾

白華

大雅瞻印

召旻

平王

在位五

十一年

國風黍離

莊公

武公

昭侯

揚之水

平王十四年立

平王二十六年

大雅抑

邶柏舟

立

綠衣

揚之水

日月

椒聊

終風
莊公

碩人
平王二十八年

立

叔于田

太叔于田

桓王

州吁

襄公

在位二十二年

桓王元年
弑君

桓王二十二年立

自立

南山

燕燕

敝笱

擊鼓

載驅

宣公

猗嗟

桓王二十二年立

新臺

二子乘舟

惠公

桓王二十

一年立

牆有茨

君子偕老

莊王

鶉之奔奔

在位十

五年

僖王

武公

在位
五年

僖王二
年始并

晉

無衣

惠王

戴公

文公

獻公穆公

共公僖公

在位二
十五年

惠王十
七年立

惠王五
年立

惠王元
年立

惠王十
五年立

葛生渭陽
候人閔宮

采苓

定之方中

蝦蟇

相鼠

千旄

河廣

襄王

康公

在位三
十二年

襄王三十
二年立

頃王

黃鳥

在位
六年

靈公

頃王六
年立

株林

匡王

在位六年

定王 穆公

在位二年

定王八年

在位二年

定王八年

式微

旄丘

右詩一百八十三篇依朱子所定知其時世如

此餘不可知也

詩集傳名物鈔卷八